

اداره مطبعه سی : دارالقنون  
قارشیسندنه کاشن حسن پاشا  
مدرسہ سی داخلہ در

مرکز توزیعی :  
باب عالی جاده سنده ( اتحاد  
تجارت ) کتبخانه سی

آبونه بدلی :  
سنة لکی ۱۰۰ غروش  
آلتی آلتی ۵۰

آبونه قیدی معامله سی هر سینه ک پونجی  
وایکنجی آلتی آلتی اعتباراً اجرا اولونور

دینی، علمی، ادبی، اجتماعی

# محفصل

۱۳۳۸

مجموعه اسلامیه سی

صاحبی، مدیری، محرری :

اسلامک نفعنه خادم مقالات  
مع التشکر قبول ونشر اولونور

یازاناک شخصیتی دکل، یازینک، همیتی  
نظر دقت، آلتییر .

کلن یازیلردن شایان قبول کوردولنلر  
تامیخ سیراسیله درج ایدیلیر .

کرنده ریله چک آثر، اوقوناقلی  
و مختصرجه یازیلش اولمالیدر .

فی : غروش

۱۰

صفر

۱۳۴۲



جلد

۴

عدد

۴۰

ایتمکه منحصر و متعین درلر . نصوص مزبورہ نك  
حکمی ایسه متعین الاراده بولنان معنائك وجوب  
تصدیق و منكرينك كافر اولميسيدركه اشبو صفتی  
حائز نصوص ایچریسندہ خلافہ دلیل عقلی قاطع  
قائم اولمش هیچ بر نص یوقدر .

ایکنجی قسم - که متواتر ظاهر المعنادر - کندیلرندن  
تبادر ایدن معنای ظاهر دن باشقه ولو بعید اولسه  
بیله بر معنایه حملی احتمالی بولونان نصوص متواتره درکه  
بولنرك شرعاً حکمی متبادر اولان معنائك وجوب  
تصدیق و شاید اومعنائك تقيضه قائم بر دلیل قاطع  
عقلی بولتورسه تأویلرینك جائز اولماسیدركه شو  
صورتله آرالرنده بر توفیق یولی آجیامش اولور .  
برغمه لی جودت

### اباضیه فرقه سی

(مابند)

اباضیه قوللری — اباضیه بر طاقم قوللره  
آیرلمشدر . بولنردن بضره لی (یزید بن ابی انیس) نك  
اتباعنه (یزیدیه) دیرلر . یزید ، اباضی ایکن بوجه آتی  
اعتقاداتی علاوه ایتمش ایدی .

۱ — آخر زمانده شریعت اسلامیہ منسوخ  
اوله جقدر .

۲ — عجمدن بزنی کله جك ، آکا سمان  
کتاب نازل اوله جق ، قرآنده کی صابئه ، اونجی نك  
امتی اوله جقدر .

۳ — ذنوب صغیره و کبیره شرکدر .

۴ — حضرت محمد علیه الصلاة والسلامك

نبوتی اقرار ایدن ، دینته کیرمه سده مؤمندر

۵ — اللرنده کی کتابه کوره صلاة و صوم  
واجب دکدر ، لازم اولان طهارت و صفای  
بالدر ، ابلیس ملک طاووسدر ، مخالفلرک اموالی  
حلالدر .

اباضیه ، شریعتہ ظاهراً و باطناً متمسکدر . هیچ  
بر وجهله معاندۀ رسول قصد ایتمز ، مقصدی حقہ  
معطوفدر . قرآن کریمه اودرجه متمسکدر که قرآنہ  
مخالفتی ، ولوکه وجوب و تحریمی اعتقاد ایدرک  
کناہکار اولسون ، ینہ کفر عد ایدر . اللهم انزال  
ایتدیکیشی ایله حکم ایتدیلر ذبیہ حضرت عثمان ایله  
حضرت علیدن متبری اولیورلر . شریعت اسلامیہ نك  
نسخنی خاطره کتیر منزل ، خاطره کتیر مکی ده کیره  
عد ایدرلر . نبوت محمدیه بی اقرار ایدنه دکل ،  
بر وتقی اولمیانہ بیله مؤمن دیمزلر . صلاة و صومی  
اسقاط ایدنی دکل ، نارکی بیله ایماندن چیقاریرلر . کتاب  
وسنت ، اجماع خارجنده هیچ برشی قبول ایتمزلر .  
کناہ ، صاحبی اشرا که قدر کوندرمز . یزیدیه مذهبی  
اباضیه نك غلوی در . اباضیه نك ، امامک تعینی  
خصوصلرنده اختلاف طولانیسیله ، بشقه قوللری ده  
وارد [۱]

بتون اباضیه قوللری یزیدیه دن متبری اولوب  
دملرینی ، ماللرینی استحلال ایدرلر . الیوم اباضیه نك  
بش ملیون قدر اتباعی تخمین اولنه بیلیر . اباضیه نك  
مقصدلری انحق عدل ایله اجرای احکامدر ، بو  
خصوصنده کندیلر بیله برابر اولانلری تولی ایدرلر .  
مذهبلرینی الزام ایلرلر ، جبراً التزام ایتدیرمک  
ایسترلر .

### امیر علی اسماعیل صفی

(۱) مثلاً حارثیه قوی عنندنده عبدالله بن اباضدن  
صوکره امام حارث بن مزید الاباضی در ، استطاعت  
فعل ایله برابردر . دیگر قوللره کوره استطاعت فعلدن  
اولدر که اهل سنت مذهبنه موافقدر . حفصیه عنندنده  
ابن اباضدن صوکره امام حفص بن مقدمدر . شرک ایله  
ایمان آردسندہ معرفه الله واردر . اللهم بیلان مشرک  
اولماز ، مؤمن اولقی ایچون معرفه اللهدن صوکره رسول  
اکرمه ، جنت و نارہ اینانقی ، بوتون محرمانی ترک ایتک  
لازمدر .